

Դարանաղցին իր ժամանակագրութիւնը պատրաստած է իր հոգեւոր որդւոյն Ակնեցի Գասպար երէցի խնդրանքով. նոյն եւրէցը Դարանաղցին հետ 1611 ին, իբր դպիր, 1616 ին և 1626 ին իբր քահանայ, այցելած է Ս. Յակոբի վանքը. ան լեզուագէտ և գործունեայ երէց մը ըլլալով՝ շատ անգամ պաշտպանած է Ս. Յակոբի իրաւունքը Պոլսի մէջ: Բաց աստի, Վիէննայի կոյսերական զրատան ձեռագիր ժամագրիկն (թ. 9) յիշատակարանէն կը հասկցուի թէ Ակնեցի Յակոբ դպիր Պալատու Ս. Հրեշտակապետ եկեղեցիին մէջ ընդօրինակած է նոյն ձեռագրերը և Գասպար եւրէց ստացողն եղած է. Դարանաղցին տուած է նոյնին օրինակը:

Յակոբ դպիր՝ Գասպար երէցը կը կոչէ համլիրակ եղբայրակից վերջինիս ծնողքն են մհա. Ասուածասուր և միս. Միւնա, եղբայրներն Մեղին և Թոյմաս, քոյրը Մարգարիս և դեռաբոյս զաւակը Յակոբ (Հա. 1891 էջ 40-47): Դարանաղցին ըստ իր ժամանակագրութեան ընդօրինակած է (1605-1622) Երուսաղէմի մէջ և զանազան տեղեր Ասուածաշունչ մը, զոր յիշատակ տուած է Ս. Յակոբի վանքին Մաղաքիտ արքեպս. Օրմանեան, իբր իր սեփականութիւնը: Ունի նաև ուրիշ ընդօրինակութիւններ և հաւաքածոյ մը այլ և այլ նիւթերու (ՄՁ. թ. 1232):

Դարանաղցիի մասին զովեստով կը խօսին Լեհացի Նիկողոս 1624 ին Թէքլրտաղի մէջ իր ընդօրինակած Հարսնց Վարֆի յիշատակարանին մէջ, (ՄՁ. թ. 961), և Կիրակոս զրիչ 1639 ին նոյն քաղաքին մէջ ընդօրինակած իր կանոնագիրք եւ պատարագի մեկնիչ ձեռագրին յիշատակարանին մէջ. (Դարանաղցի, Արամոքիւն):

ԳՐԻԳՈՐ ՎՐԳ. ԵՐԵՒԱՆՅԻ.— Մը. 1884 ին մատակարար Ս. Յակոբի վանքին. նոյն թուականին ընդօրինակած է 1863 ի Միաբ. Ընդհ. Ժողովի մէկ նիստին արձանագրութիւնը, ուր կը յիշուին միաբան վարդապետները և անդամները ՏՆ. Ժողովի, որոնք խընդրի մը պատճառաւ անյամաձայն գտնուելով կ'սկսին բուռն վիճաբանութեան և նիստը կը վերջանայ անհետեանք:

ԳՐԻԳՈՐ ՎՐԳ. ԽԻՉԱՆՅԻ.— 1849 ին ուխտաւորութեամբ կ'այցելէ Ս. Յակոբի վանքին:

ԳՐԻԳՈՐ ՎՐԳ. ԽԼԱԹԵՅԻ ԿԱՄ ԱԽԼԱԹԵՅԻ (ԲԱՂԷՇ). ԾԵՐԵՆՅԻ.— Մը. Արծկէի Ս. Ստեփանոս վանքին (Արծկէ աւանին զիմայ) որ կը կոչուէր նաև Յիպնա. Ծ. 1350 ին, ըստ իր աշա-